




| | | |
|---|----------------------------|--|
| Área / Unidad GESTION DE DEPORTES DJ1000 MLL | Documento 2111AI02FJ | |
| Código de verificación  4G5H 4H3X 090G 1W1P 08JK | Expediente 211/2026/130 | |
| | Fecha 21-04-2026 | |

BASES REGULADORAS CONVOCATORIA CAMPAMENTOS DEPORTIVOS VERÁN 2026

1. OBXECTO:

Constitúe o obxecto destas bases regular a convocatoria pública para a participación nos **“CAMPAMENTOS DEPORTIVOS VERÁN 2026”**, organizados pola Concellaría de Deportes en catro (4) quendas.

O obxectivo principal consiste en ofrecer á poboación infantil e xuvenil do Concello da Coruña a promoción do deporte e hábitos de vida saudables, á vez que se facilita ás súas familias unha boa ferramenta para poder conciliar a súa vida persoal e familiar durante parte das vacacións escolares de verán.

PERSOAS BENEFICIARIAS:

Poboación infantil e xuvenil con idades comprendidas entre os 6 e os 12 anos (nados/as entre o 01/01/2014 e o 31/12/2020). Aclárase que as persoas beneficiarias do campamento son os nenos e as nenas, non os seus titores legais ou custodios.

Terán preferencia as persoas empadroadas no Concello da Coruña.

2. PROGRAMA:

2.1. PROGRAMA TIPO:

| HORARIO | PROGRAMA TIPO |
|----------------|---|
| 08:30-09:00 | Horario de conciliación 1 |
| 09:00-10:30 | Actividade Deportiva I |
| 10:30-12:00 | Actividade Deportiva II |
| 12:00-12:30 | Merenda (deberá ser aportada polo participante) |
| 12:30-14:00 | Actividade Deportiva III |
| 14:00 / 14:30 | Horario de conciliación 2 |

2.2. ACTIVIDADES PREVISTAS:

Durante o desenvolvemento de cada quenda de campamento están previstas actividades deportivas variadas.

2.3. LUGAR DE REALIZACIÓN:

Haberá dúas sedes:

- Cidade Deportiva de Riazor
- Polideportivo de Novo Mesoiro



Concello da Coruña

As sedes serán o punto de entrega e recollida de nenos e nenas. Intentaranse realizar actividades ao aire libre, para o cal se poderán desprazar a outros espazos e instalacións deportivas.

Ademais, poderanse programar excursións e andainas a puntos e de interese da cidade. Habará autobús para realizar algunha das saídas.

3. QUENDAS: As actividades desenvolveranse de luns a venres (excluídos festivos). Establécense catro quendas:

- 3.1.1. QUENDA 1: do 1 ao 15 de xullo de 2026
- 3.1.2. QUENDA 2: do 16 ao 31 de xullo de 2026
- 3.1.3. QUENDA 3: do 1 ao 15 de agosto de 2026
- 3.1.4. QUENDA 4: do 16 ao 31 de agosto de 2026

4. PRAZAS:

Ofértanse un total de **640 prazas**, organizadas en 160 prazas por quenda coa seguinte distribución por sede:

- **C.D. Riazor:** 120 prazas/quenda
- **Polideportivo de Novo Mesoiro:** 40 prazas/quenda

5. HORARIOS:

- a) **Horario xeral** das actividades: 09:00 a 14:00 horas, de luns a venres, excluídos os festivos.
- b) **Horario ampliado** de conciliación: A opción de **horario ampliado non supón un coste engadido**.
 - Entrada: Entre 08:30-09:00 h.
 - Saída: A elixir entre:
 - 14:00 h.
 - 14:30 h.

6. PREZO: En aplicación da disposición 15.10 da ordenanza fiscal nº 15 vixente, e tendo en conta o número de sesións:

| Quenda | Datas | Nº sesións | Prezo QUENDA |
|-----------|-----------------------|------------|--------------|
| 1ª quenda | Do 1 ao 15 de Xullo | 11 | 48,18 € |
| 2ª quenda | Do 16 ao 31 de Xullo | 12 | 52,56 € |
| 3ª quenda | Do 1 ao 15 de Agosto | 10 | 43,80 € |
| 4ª quenda | Do 16 ao 31 de Agosto | 11 | 48,18 € |

Redución de taxas: Poderán obter unha redución do 50% na taxa relativa a campamentos aquelas persoas que contan cuns rendementos económicos brutos per cápita, computados anualmente por todos os conceptos e por unidade familiar, que non superen o indicador público de renda de efectos múltiples vixente no momento de efectuar a solicitude.



7. PROCEDIMENTO DE ADXUDICACIÓN DAS PRAZAS:

7.1. PREINSCRICIÓNS: realizaranse os días **4,5,6 e 7 de maio de 2026** a través do formulario en liña que se colgará na páxina web municipal www.coruna.gal/deportes. Non se admitirán preinscricións por outros medios.

7.1.1. Tendo en conta que os campamentos están dirixidos a menores de idade, serán os titores legais quen realice a solicitude, indicando a orde de preferencia das quendas.

7.1.2. Cada menor só poderá constar nunha única solicitude dirixida ao Servizo Municipal de Deportes. (individual ou familiar). Dentro da solicitude poderá elixir ata un máximo de dúas opcións, por orde de preferencia. **No caso de rexistrar para unha mesma persoa máis dunha solicitude, só se terá en conta a última, anulando de oficio con esta todas as feitas con anterioridade.**

7.1.3. **Solicitude familiar:** para colaborar na conciliación familiar, permítese a solicitude múltiple, na que deberán reflectir os datos de todos/as os/as menores que queiran optar á mesma quenda, coa condición de que sexan membros da mesma unidade familiar ou que demostren convivencia no mesmo domicilio.

7.1.3.1. A solicitude familiar permite, nun mesmo formulario, a inscrición de ata 3 menores. No caso de superar esta cifra deberá facelo noutro formulario correlativo se desexan optar á mesma quenda.

7.1.3.2. No caso de que se presenten solicitudes en formularios diferentes, non se garante a asistencia á mesma quenda, no caso de obter praza.

7.1.4. Aclárase que as persoas beneficiarias son as e os menores, por tanto **só poderán realizar a solicitude de preinscrición e a matrícula os/as titores legais ou custodios**. No caso de custodia compartida, os interesados deberán poñerse de acordo previamente; no caso de non acadar acordo, deberán remitirse ao Servizo de mediación de familia da Xunta de Galicia ou organismo competente, que será quen determine que custodio debe formalizar a solicitude e a matrícula.

7.2. LISTAXE PROVISIONAL DE SOLICITANTES: O 15 de maio de 2026, publicarase a listaxe provisional de solicitantes.

7.3. SUBSANACIÓN DE ERROS: Abrirase un prazo para a corrección de erros desde a publicación da listaxe provisional de solicitantes. As alegacións presentarase por correo electrónico ao enderezo programasdeportivos@coruna.gal. 18 e 19 de maio

Durante o prazo de corrección de erros non se permitirá o cambio de opcións de campamento nin se aceptarán novas solicitudes. Só se poderán emendar datos persoais consignados no formulario.

7.4. LISTAXE DEFINITIVA PARA O SORTEO: O 20 de maio publicarase a listaxe emendada de solicitantes, se procede, coa indicación do número para o sorteo, que será asignado por orde cronolóxica de chegada en orde ascendente, atendendo á marca temporal.



Concello da Coruña

7.5. SORTEO: Nos supostos en que existan máis solicitudes que prazas ofertadas, o 21 de maio, e sempre con carácter posterior á publicación da listaxe emendada, celebrarase un sorteo público para establecer a orde de adxudicación. Extraerase un número que establecerá o corte a partir do cal se adxudicarán as prazas.

7.6. ORDE DE PREFERENCIA: Para establecer a orde de preferencia para adxudicar as prazas terase en conta:

1. As persoas empadroadas no Concello da Coruña
2. A orde de preferencia nas quendas indicadas na solicitude (opción 1 ou opción 2)
3. O número asignado á solicitude en relación ao número obtido no sorteo público.

As persoas admitidas na súa primeira opción de preferencia quedarán automaticamente excluídas para a adxudicación na súa segunda opción, e pasarán ao final da lista de agarda.

As persoas que non obtiveran praza neste proceso, pasarán a formar parte da listaxe de agarda.

7.7. LISTAXE DE ADXUDICACIÓN DE PRAZAS E LISTAXE DE AGARDA: O 1 de xuño de 2026, publicarase a listaxe de adxudicación de prazas e listaxe de agarda.

8. MATRÍCULA E FORMALIZACIÓN DAS INSCRICIÓNS:

Para que a matrícula sexa efectiva deberá cubrirse a folla de matrícula e aboar a taxa correspondente.

8.1. DATAS PARA AS MATRÍCULAS: As persoas que obteñan praza poderán formalizar a matrícula do 2 ao 5 de xuño de 2026, ambos os dous incluídos.

8.2. LUGAR: Habilitaranse dúas modalidades para formalizar a matrícula:

8.2.1. **EN LIÑA:** a través da plataforma CronosWeb (<https://coruna.gal/CronosWeb/Login>), accedendo de forma identificada e tendo que estar previamente dado de alta na mesma.

8.2.2. **PRESENCIAL:** acudindo á caixa de deportes do Palacio de Deportes de Riazor (rúa Manuel Murguía s/n). Terán preferencia as persoas que concerten [cita previa](http://www.citaprevia.coruna.gal) (www.citaprevia.coruna.gal) e no seu horario. As persoas sen cita previa poderán acudir a matricularse nos horarios que queden dispoñibles.

8.3. Cada persoa só se poderá matricular nunha quenda. A matrícula nunha quenda supoñe a renuncia expresa á outra quenda solicitada, agás que finalizada a lista de agarda, quedasen prazas dispoñibles.

8.4. No caso de non formalizar a inscrición no prazo establecido entenderase que se renuncia á praza e adxudicaranse as prazas vacantes seguindo a listaxe de agarda.

8.5. Xestión da listaxe de agarda: A partir do 10 de xuño, as persoas que obteñan praza con motivo do movemento da listaxe de agarda, recibirán un correo electrónico indicando que dispoñen de praza e o prazo para a matrícula. No caso de non formalizar a inscrición, entenderase de oficio que renuncian á praza.

Finalizada a listaxe de agarda, se quedan prazas libres, publicaranse na www.coruna.gal/deportes ás prazas dispoñibles e datas de matrícula.



Concello da Coruña

As matriculas deberan facerse nas oficinas da Cidade Deportiva de Riazor, unicamente poderanse apuntar aquelas persoas que concerten cita na web www.citaprevia.coruna.gal ([cita previa](#)) e no seu horario.

8.6. Documentación que debe acompañarse:

Só se procede: Informes médicos ou outros.

No caso de ser a primeira vez que realiza unha actividade en deportes:

- a) Fotocopia do DNI (de non telo, do Libro de Familia) e do DNI do pai/nai, titor/a.
- b) Para persoas suxeitas a tutela, aínda que dispoñan de DNI propio, tamén deberá presentarse o documento legal que o acredite e o DNI de titor/titora.

9. EQUIPAMENTO E RECOMENDACIÓNS PARA PARTICIPANTES

- 9.1. Indumentaria: roupa e calzado deportivo, gorra e crema de protección solar para as actividades exteriores. Para as actividades na piscina e acuáticas deberán levar traxe de baño, toalla, chanclas, gorro e recoméndase gafas de natación tamén.
- 9.2. Recomendacións: levar un pequeno bidón, cantimplora ou similar irrompible (non se admite de cristal) identificada co seu **nome e unha pequena merenda para tomar a media mañá**.
- 9.3. Enviarase aos participantes por correo electrónico a información relativa ao desenvolvemento da actividade.

10. OUTRAS DISPOSICIÓNS

- 10.1. A formalización da solicitude de preinscrición e, se é o caso, da matrícula supón a aceptación das normas desta convocatoria.
- 10.2. A formalización da matrícula implica declarar que son certos os datos achegados. No caso do que o SMD detecte falsidade nos devanditos datos, a persoa causará baixa sen dereito á devolución das taxas aboadas.
- 10.3. Coa presentación da solicitude e, se é o caso, a formalización da matrícula, entenderase que a persoa solicitante e, no seu caso, o seu pai/nai ou titor/a autoriza a utilización do móbil e correo electrónico como forma de aviso e comunicación por parte da empresa que xestiona as EDM.
- 10.4. A formalización da matrícula no Campamento Deportivo implica expresamente a autorización para traslados fóra da sede onde se desenvolve o campamento (Cidade Deportiva de Riazor ou Polideportivo Novo Mesoiro) para a realización das actividades na natureza ou exteriores, que serán a cargo do Servizo Municipal de Deportes.
- 10.5. Será de aplicación a normativa de uso das instalacións deportivas, Escolas Deportivas Municipais e outras actividades, aprobadas pola Xunta de Goberno Local o 20 de xullo de 2007.
- 10.6. Se se desexa obter factura do pago, deberá marcarse a casa correspondente ao realizar a solicitude. A factura emitirase ao nome da persoa que faga a matrícula.
- 10.7. Non se permite a cesión a terceiras persoas da praza asignada.



Concello da Coruña

- 10.8.** As bases reguladoras publicaranse no taboleiro de edictos do Concello da Coruña, na páxina web municipal www.coruna.gal/deportes e nos taboleiros de anuncio dos centros deportivos. A convocatoria, as listaxes de solicitantes, as listaxes definitivas publicaranse, na páxina web municipal www.coruna.gal/deportes e nos taboleiros de anuncio dos centros deportivos. Ademais, poderase obter información no teléfono 010 de atención á cidadanía.
- 10.9.** Todas as datas que se indican nestas bases teñen carácter informativo pero non son vinculantes, de xeito que, se acontecese algún imprevisto en algunha das fases do procedemento, o Servizo Municipal de Deportes pode cambialas motivadamente sen necesidade de modificar as presentes bases; sempre cando se respecten os prazos previstos para cada trámite e previa publicación na páxina web www.coruna.gal/deportes.
- 10.10.** Se fose necesario comunicárase a ampliación de lugar, datas e horarios de matrículas para posibles incidencias. Será comunicado na páxina web municipal www.coruna.gal/deportes.
- 10.11.** O SMD por motivos técnicos, pedagóxicos, organizativos ou outras circunstancias concorrentes, resérvase a facultade de reaxustar os grupos/quendas e -se fose necesario- deixalos sen efecto.
- 10.12.** Os/as participantes e, de ser o caso, quen ostente a súa garda e custodia ou a súa tutela, coa formalización da matrícula declara responsablemente que se realizou o oportuno recoñecemento médico e non padece ningunha enfermidade que o incapacite para practicar actividade deportiva. De incorrer en falsidade, a persoa será dada de baixa de oficio sen dereito a devolución das taxas aboadas.
- Se padece algún tipo de discapacidade ou existe calquera dato relevante que poida incidir na práctica deportiva deberá achegar informe médico dirixido ao SMD no momento da súa matrícula.
- No suposto de concorrer algún indicio de que a persoa se poida atopar nalgunha destas circunstancias, o SMD poderá requirirlle expresamente a achega do certificado médico ou documento equivalente.
- 10.13.** As persoas con discapacidade poderán solicitar praza, tendo en conta o seguinte:
- 10.13.1. Son actividades grupais. Polo tanto, a discapacidade deberá ser nun grao que lles permita participar nas actividades.
 - 10.13.2. No formulario de preinscrición indicaranse se ten discapacidade e se a persoa é dependente ou non.
 - 10.13.3. As persoas que para a súa normalización precisen calquera adaptación ou seguimento, deberán poñerse en contacto coa coordinación das EDM (Oficina de coordinación no Palacio de Deportes de Riazor), que canalizará a súa inclusión.
 - 10.13.4. En todo caso optarán á praza nas mesmas condicións que o resto de solicitantes.
- 10.14. Baixa na actividade:** no caso de querer causar baixa, deberase solicitar expresamente, por rexistro de entrada. Segundo o artigo 8 da dita ordenanza (OF 15): *“Esixírase o depósito previo das taxas correspondentes a ESCOLAS DEPORTIVAS MUNICIPAIS no momento de efectuarse a matriculación. Iniciada a prestación do servizo, a cantidade ingresada en concepto de depósito aplicarase ao importe definitivo da taxa, polo que procederá a súa devolución se o/a alumno/a solicita a baixa na actividade con antelación ao comezo do curso...”*



Concello da Coruña

- 10.15.** O SMD resérvase a facultade de interpretar e valorar as circunstancias concorrentes en cada caso.
- 10.16.** O Concello, a través da empresa concesionaria do contrato de servizos das EDM, dispón dun servizo gratuito de asistencia médica e hospitalaria, para as persoas participantes nas actividades deportivas que sufran un accidente durante elas e como consecuencia de levar a cabo a actividade incluída na programación prevista. En ningún caso a prestación deste servizo suporá o recoñecemento de responsabilidade municipal sobre a lesión sufrida; senón que o mesmo debe incardinarse na vontade desta Administración de implantar unha práctica deportiva segura e de calidade, que teña activado en todo momento un protocolo que garanta unha atención, inmediata e a curto prazo, da persoa lesionada con servizos especializados en medicina deportiva.
- 10.17.** Os datos persoais facilitados polas persoas solicitantes serán tratados polo Concello da Coruña en calidade de Responsable de Tratamento con enderezo en María Pita, 1, 15001 A Coruña, coa finalidade de xestionar a prescrición, o rexistro e o desenvolvemento das Escolas Deportivas Municipais. A lexitimación para o tratamento dos datos persoais baséase na necesidade do cumprimento dunha misión realizada en interese público ou no exercicio dos poderes públicos conferidos á persoa responsable do tratamento. O Concello conservará os datos durante o tempo que sexa necesario para cumprir coa finalidade para a que se solicitaron e para determinar as posibles responsabilidades que se poidan derivar da finalidade exposta e do tratamento dos datos. Será de aplicación o disposto na normativa de arquivos e documentación. En calquera caso, os datos pódense conservar, se for o caso, con fins de arquivo de interese público, investigación científica e histórica ou fins estatísticos. Os seus datos comunicaranse a asociacións e organizacións sen ánimo de lucro, entidades aseguradoras, outros órganos da Administración local e profesionais ou entidades adjudicatarias da prestación do servizo.

Poderá exercer os dereitos de acceso, rectificación, oposición, supresión, limitación do tratamento así como a portabilidade de datos, presentando un escrito no Rexistro de Entrada do Concello: Praza de María Pita, 1. 15001, A Coruña ou, na seguinte ligazón <https://www.coruna.gal/web/es/detalle/ejercicio-de-derechos-sobre-los-datos-de-caracter-personal/contenido/1453762232714>. De ser o caso, poderá poñerse tamén en contacto coa persoa Delegada de Protección de Datos delegadodeprotecciondedatos@coruna.gal

Pode consultar a información adicional detallada sobre o tratamento dos seus datos na seguinte ligazón: <https://www.coruna.gal/web/gl/rgpd>

A Coruña, na data da sinatura electrónica que consta no presente documento

O Técnico Superior de Deportes

Miguel A. López Lorenzo

A xefa de Servizo de Deportes

Patricia Vázquez García

O director da Área de Deportes

Daniel Regos Vilares



Concello da Coruña

RESUMO DOS PRAZOS DO PROCEDEMENTO

| TRÁMITE | DATAS |
|--|--|
| Presentación de solicitudes (preinscricións) | 4,5,6 e 7 de maio de 2026 |
| Listaxe provisional de solicitantes | 15 de maio de 2026 |
| Corrección de erros | 18 e 19 de maio de 2026 no correo electrónico programasdeportivos@coruna.gal |
| Listaxe definitiva para o sorteo | 20 de maio de 2026 |
| Sorteo (de ser necesario) | 21 de maio de 2026 |
| Listaxe de adjudicación de prazas | 1 de xuño de 2026 |
| Matrícula das persoas admitidas | Do 2,3,4 e 5 de xuño de 2026 |
| Xestión da listaxe de agarda | A partir do 10 de xuño de 2026 |